

Lesson 13 ading June 29, 2024

© STEPHEN FELITZ PROPHET YART CO



PASIAN'HONGITNA IIGUALZAWHNA

Tokhom panin nakpi takin awging khat ka za-a, "Tu-in Pasion omna inn pen mite tawh omkhawm ta hi. Pasion in amaute ompih ding a, amaute pen ama mite hiding uh hi. Pasion mahmah amaute tawh omkhawm ding a, amah pen amaute' Pasion hiding hi. Amaute' mit panin khitui khempeuh nulsak ding hi. Thu luisate maiming khinta ahih manin sihna, dahna, le na sa-a kahna cihte om nawnlo ding hi," a ci hi." (Mangmuhna 21:3, 4)



Kidona lianpin, Pasion kumpi gam uk'na pen Satan in a do' tawntungna manlang takin beina hun hong tung ding hita hi.

Hih buaina koi bangin bei ding; eite khuamial sungah hong nu'sia lo ding hi: Pasion gualzo-in, Satan in guallel hi.

Hih tawpna kidona thu bangci khup ding cih Lai Siangtho in kician takin a honghilh hi.



- ➡ **Lungkham hun le Suaktakna**
- ➡ **Patauh hun le lungnopna**
- ➡ **Nu'siat hun le Thukhenna**
- ➡ **Nuntak hun le sihna**
- ➡ **Ki-it hun le ki-itna**

LUNGKHAM HUN LE SUAKTAKNA

“Nu e! Tua ni lianpi hong tung ding a, nidang tawh tehtheih ding hilo hi. Jakob suante’ gimhun hiding a, ahih hangin amaute suakta veve ding uh hi.” (Jeremiah 30:7)

“Eite-in hun nunung ah i nungta hi. Khazih hongpai ding hun naita ahihna khuahun pianzia le na lamdang piangte in taangko hi. Ih nuntak hunte in manpha in thupi hi.” (EGW, T19, 11) . Hih thupiangte in bang hiam?

Mang. 22:11



Thu etkikna hun kizo khin in, vai khempeuh khensat khin hi. Hehpihna kong kikhakta hi.

Is. 8:21-22; Jer. 30:7



Lungskham hun hi. Migilote in ki-uk zawhna neilo-in ngawntat hi, midikte in maisakna nei le neilo theilo hi

Mang. 15:7-8; Ps. 27:5



Gimna nam 7 in a kisiklo mite tungah tung ding hi. Pasion’ mite in kikeem kidaalna ngah ding hi.

Mang. 16:14; 1Jn. 3:2-3



Mi honte-in Zeisu tawh kimu dingin kiging uh hi. Pawlkhat in Amah do dingin; pawlkhat in lungdam kipaak in dawn ding.

Zeisu in ama palaai nasep khup bawl in Kha Siangtho in a kisiiklo mite khiangpan a paikhiat ciangin, mi khempeuh ii mailam ding ciapteh bawl ding hi. Mi citakte in Pasion kepna le huutna ngah paisuak ding a, migilote in Satan hehpihna nuai-ah omding uh hi. Mimal kim in a zuih ding khensat pen ii zia le tong bangin gamta khia ding uh hi.

PATAUH HUN LE LUNGNOPNA

"Mualte le suangtum lianpите kiangah, "Kote tungah hong kiasuk unla, tokhom tungah a tupa' maitang le Tuuno' hehna panin kote hongliah un." (Mangmuhna 6:16)

Amaute in Pasion thukham nial uh hi; Nuntak na tui nial uh a "a kisia tuikhukte" amaute in to' tawm uh hi (Jer. 2:13).

Tu-in thukhen mang pa tawh kimu uh hi. Amaute in hehna le mawhsak ding bek thei uh hi. Kua in amaute suakta sak ding hiam? (Isa. 2:19; Mang. 6:16).



"En un, amah pen eima Pasion ahi hi. Eite a hong hon dingin amah i ngak hi. Amah pen eima Topa ahi hi. Amah i ngak hi. Amah in eite hong honkhia ahih manin lungdamin kipak ni," kici ding hi. (Isaiah 25:9)



Amaute in Pasion thukham citak takin kem' uh hi; Nuntakna tui a dawn uh hi (Mang. 21:6). Tu-in thukhen mangpa tawh ki mai-ngat uh hi. Amaute in hotkhiatna bek lamem uh hi. Koi bangin phatna sungah kitamkham lo hiam? (Isa. 25:9; Mang. 15:3-4).

Satan in a omlai te tungah heh mahmah hi (Mang. 12:17)

Mi kim in amah bia in, a thupiakte zui hi (Mang. 13:15-17)

A omlaite in Pasion thukhamte citak takin zui hi (Mang. 14:12)

Tuuno do dingin hih leitung kigng hi (Mang. 17:12-14)

Pasion tawh kimu dingin kiging hi (Amos 4:12)

Zeisu hongpai ciangin kilang neihna khempeuh susia hi (Mang. 19:11-15)

Zeisu in amah a um khempeuh lato ding hi (Mang. 19:6-8)

NU'SIAT HUN

"Leitung kihawmsuak sakin kisiacip ding hi. Banghang hiam cihleh Topa in hih thu gen khinzo hi." (Isaiah 24:3)

Zeisu hongpai ciangin, khang khempeuh a mi siangthote thokik ding hi; a nungta a citak mite, kikheelin, Zeisu vantung ah kah khawm ding hi (1Thes. 4:16-17).

Migilote in Zeisu mai ah sihna thuak ding hi. Amaute luang hawmte kivui na omlo-in, atawpna ah, leitung in nuntakna neite gamtatna khekhap khat zong a om nawn kei ding hi (Jer. 25:33; Rev. 19:17-21; Jer. 4:23-26; Is. 24:3).

Tua hun sungin, Satan le a pawlpihte in kua mah khem' theilo ding guam thuk' sungah kum tul sung kihencip ding (Mang. 20:1-3).

Guam thuk'pi (kuahawm, kuamialna mun), in tua hun a leitung omzia thute kim'takin pulaak hi. Nuntakna nei bangmah om keileh dawi te-in kheem ding omlo hi. Gam daihna leitung pan paikhiat ding piang thei lo dinmun tawh kihencip in langpang vantung mite thuak ding hun hi ding hi.



THUKHENNA

"Tua ciangin tokhom tungah a tu mi pawlkhat ka mu-a, tua mite tung thukhenna ding aana a kipia ahi hi; [...] Amaute hong hingkik uha, Khazih tawh kum tul khat sung ukna aana a neikhawm uh hi." (Mangmuhna 20:4)

A zenzen in Nihvei hong Paikik ma thukhenna thuak in Zeisu in khensatna bawl khin hileh, Amah a um mite tungah nuntak tawn tungna pai hileh.... Hih thukhenna thak in bang hiding hiam?

Pasian in ama hong itna lakkhia in gupkhiatna ngah ding khempeuh tungah khang tampi hong khutvan hi. A hoihlote khempeuh zong ahi zahding mah in khang sak hi.



Thukhenna hun sungah, leitung khempeuh le vantungmi khempeuh in mawhna le langpan'nate a thukhenna ah Pasian ii thumaan'na le hehpihnate theihpih ciat ding uh hi. Tu-in, amaute in a mai uh ah Satan ukna thukhun taktak ahihleh: a hawmpi le bangmah omlo leitangh ahi hi.

Ahizongin buaina sung galpa' mun ah a teeng eite in tu-in hotkhiat a ngah Pasian thuman'na le hehpihnate teci pang ding kism hi. Kum tul thukhenna ah eite in gitlohnate hong piangkik nawnlo-in Pasian hong itna a kicing in um in i muang thei ding hi (Nah. 1:9).



NUNTAK HUN LE SIHNA

Vanglian Topa in hih bangin cih hi: "En un, mi kiphasak khempeuh le migilo khempeuh, a zung a hiang cih omlo-in buhtu bangin a kattum ding hun hongtung ding hi. Tua ni ciangin khatzong suakta lo-in a vekpi-in kangtum khin ding uh hi." (Malachi 4:1)

"Ahizongin ka thu a hong mang note tung ah dikna ni hong taang ding a, tua in ni zangh bangin note tungah cidamna hong tun' ding hi. Bawng khumna panin a kikkah bawngnote bangin suakta-in nuam na sa ding uh hi." (Malachi 4:2)

Kum tul khit ciangin, migilote hong tho kik ding uh hi. Amaute in Satan makaih na tawh khatvei Pasion le mi siangthote hong do ding uh hi. Bang mah kikheel lo-in, a vek un mei tawh a kiskusia ding hi (Mang. 20:5-9).

Ahizongin amaute kisuksiat ma-in, a nunung thusitna thuak ding uh hi. Laibute kihong in, mi khempeuh in a sepnate le itna tawh Kha Siangtho sap na a nialnate uh phawk ding uh hi. Mi khempeuh in Pasion thukhenna dikhi, ci-in Ama mai-ah khuukdin ding uh hi (Mang. 20:11-13; Is. 45:23; Phil. 2:10).



Tawntung nuntakna tawh a kigamla (tawntung mawhpiakna), amaute in thawhkikna om nawnlo "nihveh sihna" thuak ding uh hi (Mang. 20:14-15; Late. 37:20; Mal. 4:1; Isa. 26: 14).

Sihna le mawhna bei ta hi. Khitui khempeuh beimang khin in, a tawntung nopsakna tawh i nungta paisuak ding hi (Mang. 21:4).



KI-IT HUN LE KI-ITNA

"Gamlapi pek panin Topa ka kilang hi. Keimah in nang kong it tawntung a, tua ahih manin nang' tungah kong thuman tawn tung hi." (Jeremiah 31:3)

Leitung thak ah khang tawntung in eite in bang sem ding ihiam?

Khazih singlamteh in khang tawntungin tatsa mite ading in sinna le phatna hiding hi.

A tungah [...] daihna kuampi, a nawl ah [...] nuntak luitui, Pasion' mite in [...] a inn uh muding hi.

Tua mun ah a si theilo ngaihsutna tawh a kibawl vangliatnate in lamdan na tawh a tawntungin nuam sa ding hi.

Ih sin nate khangto in, i theih nate hong pi'cing in kibehlap toto ding hi.

A kiasm pilnate sinna in i lungsimte gim cih bang omlo dinga, thatang gim-a bah cihbang zong omlo ding hi

Tua laiah vai thupi pente kihawm dinga, i ngaihsut tawpna kitung ta ding hi. Ngimna lianpente kinei dinga, sin beh tohtoh ding thumaan thakna om to zel ding hi.

Kah toh lailai nading, pahtaak tohtoh ding, leh i tel theih ding thu thakthak na omom lai ding hi. Pumpi, lungsim, leh nuntak mahmah tawh sin beh toh zel ding thuthak na om toto ding hi.

Kah toh lailai nading, pahtaak tohtoh ding, leh i tel theih ding thu thakthak na omom lai ding hi. Pumpi, lungsim, le nuntak mahmah tawh sin beh toh zel ding thuthak na om toto ding hi.

Aliah omlo-in piansakna thupite hongtel muhta uh hi. Nite, aksite, a pawl a pawlin amau kisehna mun tek panin Pasion tokhom kiim-kot diamdiam cihte hong muta hi.



“Kidona lianpi beita hi. Mawhna le mawhneite om nawnlo uh hi. Van le lei khempeuh siangtho ta hi. A kipiangsak khempeuhte lungsim kituak in kipumkhat uha, kilemna le lungdamna tawh dim uh hi. Hong piangsakpa kiang panin, van kaw-hawm mongneilo dim zahin, nuntakna, khuavak, le lungdamna, ahong luang khia hi. Na vanuai lakah a neu penpen ATOM le agol penpen leipum akipan, nuntakna a nei le aneilote khempeuh in zong amau meel hoihna ciat a liah a dal le siit omlo-in, lungdamna tak tawh Pasion pen Ki-itna hi ci-in pulaak khia ciat ta uh hi.”

